

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 41 0 K 0.... 19 K
Visoko, 22.10.2019. godine

U IME FEDERACIJE BOSNE I HERCEGOVINE

Općinski sud u Visokom, po sudiji Kučuković Edibu, uz sudjelovanje zapisničara Muftić Anite, u krivičnom predmetu protiv optuženih S.E. i Z.M.E.M., zbog krivičnog djela izazivanje narodnosne, rasne i vjerske mržnje, razdora ili netrpeljivost iz člana 163. stav 2. u vezi sa stavom 1. i članom 31. Krivičnog zakona Federacije Bosne i Hercegovine, rješavajući po optužnici Kantonalnog tužilaštva Zeničko-Dobojskog kantona (u daljem tekstu KT ZDK) broj: T04 0 KT 00... 18 od 27.05.2019. godine, nakon održanog javnog i usmenog glavnog pretresa dana 17.10.2019. godine, u prisustvu kantonalnog tužitelja Bajrić Amira, optuženih S.E. i Z.M.E.M., te branitelja optuženih Karavelić Aide, advokaticice iz Visokog i Burić Mensuda, advokata iz Visokog, na ročištu za objavu presude, dana 22.10.2019. godine, u prisustvu ---, a u odsutnosti uredno pozvanih --, donio je i javno objavio

P R E S U D U

I OPTUŽENI: S.E. zv. „E.“, sin ..., osuđivan

II OPTUŽENI: Z.M.E.M. zv. „M.“, sin ..., osuđivan

K r i v i s i

Što su:

Tačno neutvrđenog dana u toku 6. og mjeseca 2018. godine ali u toku islamskog vjerskog praznika Ramazana na području Općine V., zajedno i po prethodnom dogovoru oštećenjem tuđih simbola-stvari koje služe u vjerske svrhe javno izazivali narodnosnu i vjersku netrpeljivost između građana bošnjačke i srpske nacionalnosti koji žive na području Općine V. paljenjem pravoslavne crkve "R. P. B." koja se nalazi u pravoslavnom groblju u mjestu Č., općina V. znajući da je brat od S.E., mladb. S.A. smrtno stradao u toku proteklog rata u Bosni i Hercegovini za koju smrt S.E. smatra odgovornim srbe iz mjesta Č., te znajući da je prijatelj od Z.M.E.M., S.M. u zavadi sa licem srpske nacionalnosti po imenu C.Z. iz mjesta Č., općina V. zbog koje zavade je vođen sudski postupak pred nadležnim sudom ali i zbog toga što je sa C.Z., čiji otac C.S. je i zadužen za čuvanje i održavanje pravoslavne crkve „R. P. B.“, i Z.M.E.M. imao određenih problema pa su došli do pravoslavnog groblja u mjestu Č., općina V. i sa drvene ograde odlomili dvije letve na čije vrhove su stavili pvc vrećice, a onda došli do pravoslavne crkve "R. P. B.", koja je u sredini groblja, pored koje su odbacili letve, te upotrebom sile otvorili ulazna vrata crkve i ušli u unutrašnjost iste, gdje su pronašli šibicu, a onda na prestolnu ploču najsvetiji dio oltara-časne trpeze za vjerske obrede koju su i polomili i koja je bila pokrivena crvenom plahtom sabrali simbole-stvari i predmete koji služe za vjerske potrebe među kojima i ikone-pravoslavne svete

slike ali i drvenu stolicu i plinsku bocu, nakon čega su sve navedene stvari zapalili a ostale stvari u crkvi i to: dio preostalih ikona koje su poskidali sa zidova ali i svete sasude - oblik svete čaše za pričest, te čirake – nosače za svijeće razbacali po podu crkve i napustili crkvu, ponijevši sa sobom iz crkve jedan kramp i jednu mačetu – nož, te su navedeni vjerski simboli-stvari i predmeti koje služe za vjerske svrhe pravoslavne crkve i izgorjele ali do gorenja crkve nije došlo iako se iznad mjesta gdje se nalazi prijestolna ploča nalazi zid u obliku luka koji se povezuje sa krovom na kojem su vidljivi crni tragovi gareži a iznad navedenog zida vidljivo da je došlo do deformacije drvenih lajsni u predjelu krova na koji način su oštetili Srpsku pravoslavnu crkvu - Mitropoliju Dabrobosansku Sarajevo za iznos od oko 26.000,00 KM, dok je mačeta-nož koju su otuđili iz crkve pronađena u kući S.E. od strane policijskih službenika P.S. V. prilikom izvršenja naredbe za pretres Općinskog suda Visoko,

Čime su počinili krivično djelo izazivanje narodnosne, rasne i vjerske mržnje, razdora ili netrpeljivosti iz člana 163. stav 2. u vezi sa stavom 1. i članom 31. KZ FBiH.

Pa sud optužene na osnovu istog zakonskog propisa, uz primjenu članova 41. stav 1 tačka a), 42, 43., 49. KZ FBiH,

OSUĐUJE NA KAZNU ZATVORA U TRAJANJU OD PO 1 /JEDNE/ GODINE

Na osnovu člana 57. KZ FBiH optuženima S.E. i Z.M.E.M., u izrečenu kaznu zatvora ima se uračunati vrijeme provedeno u pritvoru, a koji pritvor je određen Rješenjem Općinskog suda u Visokom broj 41 0 K 0.... 18 Kpp od 10.07.2018. godine, a koji pritvor je trajao od 10.07.2018. godine do 09.08.2018. godine

Na osnovu člana 202. stav 4. ZKP FBiH, optuženi se oslobađaju plaćanja troškova krivičnog postupka i isti padaju na teret budžetskih sredstava.

Na osnovu člana 88. ZKP-a FBiH, metalna mačeta dužine sječiva 45 cm i 15 cm rukohvata, sa pet metalnih zakovica, sa omotanom trakom oko rukohvata, PS V., u čijem posjedu se i nalazi, po pravosnažnosti presude, će vratiti u posjed C.S., a jedan mobilni telefon marke „ULEFONE“ korisničkog broja 0./...-... i jedan mobilni telefon marke „NOKIA“ korisničkog broja 0./...-..., PS V., u čijem posjedu se i nalaze oduzeti predmeti, po pravosnažnosti ove presude, će vratiti u posjed Z.M.E.M., dok će se belegija za oštrenje sive boje dužine 15 cm, trenerka, donji dio, crne boje marke „HUMELS“, gornji dio trenerke marke „ADDIDAS“ i jedan crni kačket marke „NIKE“, PS V., u čijem posjedu se i nalaze, po pravosnažnosti presude, vratiti u posjed S.F..

Na osnovu člana 212. stav 3. ZKP FBiH oštećeni Srpska pravoslavna crkva - Mitropolija Dabrobosanska Sarajevo se sa imovinsko pravnim zahtjevom upućuje na parnični postupak.

O b r a z l o ž e n j e

KT ZDK optužnicom broj T04 0 KT 00.....18 od 27.05.2019. godine optužilo je S.E. i Z.M.E.M., da su počinili krivično djelo izazivanje narodnosne, rasne i vjerske

mržnje, razdora ili netrpeljivost iz člana 163. stav 2. u vezi sa stavom 1. i članom 31. KZ F BiH.

Optužnica je potvrđena od strane sudije za prethodno saslušanje ovog suda dana 05.06.2019. godine i na ročištu za izjašnjenje o krivnji, dana 22.08.2019. godine optuženi su se izjasnili da nisu krivi.

Na glavnom pretresu dana 17.10.2019. godine, prije izvođenja dokaza, optuženi S.E. i Z.M.E.M. su priznali krivnju za krivično djelo izazivanje narodnosne, rasne i vjerske mržnje, razdora ili netrpeljivost iz člana 163. stav 2. u vezi sa stavom 1. i članom 31. KZ F BiH, a njihovo priznanje je u saglasnosti sa dokazima u koje je sud izvršio uvid i to: Zapisnik o saslušanju svjedoka R.M. broj: 08-04/10-.../18 od 24.09.2018. godine, Zapisnik o saslušanju svjedoka C.S. broj: 08-04/10-1-.../18 od 28.06.2018. godine, Zapisnik o saslušanju svjedoka S.M.a broj: 08-04/10-1-.../18 od 05.07.2018. godine, Zapisnik o saslušanju svjedoka S.E. broj: 08-04/10-1-...50/18 od 20.07.2018. godine, Zapisnik o saslušanju svjedoka maloljetnika K.A. broj: 08-04/10-1-.../18 od 20.07.2018. godine, Zapisnik o uvidaju P.S. V. broj: 08-04/10-1-.../18 od 24.06.2018. godine, Fotodokumentacija PS V. broj: 08-02-09/1-.../18, Naredba Općinskog suda Visoko broj: 41 0 K 0... 18 Kpp od 06.07.2018. godine za pretres kuće i pomoćnih objekata koje koristi S.E., Zapisnik o pretresanju stana, drugih prostorija i pokretnih stvari PS V. broj: 08-04/10-1-.../18 od 06.07.2018. godine, Potvrda o privremenom oduzimanju predmeta broj: 08-04/10-1-.../18 od 06.07.2018. godine, Zapisnik o prepoznavanju broj: 08-04/10-1-135-...18 od 30.07.2018. godine, Naredba Općinskog suda Visoko broj: 41 0 K 0... 18 Kpp od 05.07.2018. godine za pretres kuće i pomoćnih objekata koje koristi Z.M.E.M., Zapisnik o pretresanju stana, drugih prostorija i pokretnih stvari PS V. broj: 08-04/10-1-.../18 od 06.07.2018. godine, Potvrda o privremenom oduzimanju predmeta broj: 08-04/10-1-.../18 od 06.07.2018. godine, Akt PS V. oko broj: 08-02-09/1-04-2-....-2/18 od 07.05.2019. godine sa prilogom naredba OS V. broj: 41 0 K 0.... 18 Kpp od 01.08.2018. godine i izvještajem o pretresu mobilnih telefona broj: 08-04/8-6-04-2-....-1/18 od 15.02.2019. godine sa CD-om, Izvod iz matične knjige umrlih za mlđb. S.A. broj: 05/1-13-3-..../2018 od 17.07.2018. godine sa Rješenjem MUP Z. broj: 08-04/1-13-4-..../06 od 22.11.2016. godine kojim se odobrava naknadni upis činjenice smrti za mlđb S.A. rođenog 06.01.1980. godine, Presuda Općinskog suda Visoko broj: 41 0 K 0.... 17 K od 09.03.2018. godine sa obavijesti o pravosnažnosti iste broj: 41 0 K 0.... 17 K od 06.06.2018. godine (iz TCMS baze podataka), a koji dokazi po svom vjerodostojnom značaju potvrđuju priznanje optuženih u vezi radnji izvršenja krivičnog djela i krivice. Sud je također, izvršio uvid u Izvod iz kaznene evidencije za S.E. broj: 08-02-09/1-interno/19 od 14.05.2019. godine, 04/10-1-04-2-11-interno/18 od 09.07.2018. godine, Akt PS V. broj: 08-02-09/1-04-2-....-4/19 od 20.05.2019. godine sa priloženim izvodom iz kaznene evidencije MUP K.S. broj: 02/5-2-.../19 od 15.05.2019. godine, a od kojih dokaza zavisi vrsta i visina krivičnopravne sankcije.

Optuženi -- nisu imali dokaznih prijedloga.

Sud je priznanje krivnje optuženih ocijenio kao jasno, iskreno i nedvosmisleno, ničim uslovljeno, tako da je priznanje optuženih u cijelosti u saglasnosti sa naprijed navedenim dokazima u koje je sud izvršio uvid te cijenio svaki dokaz pojedinačno i u njihovoj međusobnoj vezi na osnovu čega van svake razumne sumnje proističe da su optuženi S.E. i Z.M.E.M. ostvarili sva bitna obilježja bića krivičnog djela izazivanje narodnosne, rasne i vjerske mržnje, razdora ili netrpeljivost iz člana 163. stav 2. u vezi sa stavom 1. i članom 31. KZ F BiH.

Naime, saslušani svjedoci R.M. i C.S. su na jasan i nedvosmislen način opisali oštećenja koja su nastala paljenjem pravoslavne crkve R.p.B., koja se nalazi u pravoslavnom groblju u mjestu Č., općina V., a čiji iskazi su u skladu sa zapisnikom o uvidaju i fotodokumentacijom, dok je radnja izvršenja ovog predmetnog krivičnog djela potvrđena, ne samo priznanjem optuženih S.E. i Z.M.E.M. već i iskazom saslušanih svjedoka S.M., S.E. i mlđb. K.A.

Po ocjeni suda optuženi su predmetno krivično djelo učinili sa direktnim umišljajem jer su bili svjesni svoga djela i htjeli su njegovo izvršenje, a sud je utvrdio da su optuženi prilikom izvršenja krivičnog djela bili uračunljivi, jer predočenim dokazima nije dovedena u sumnju mogućnost optuženih da shvate značaj svoga djela i da upravljaju svojim postupcima u vrijeme izvršenja djela, te su se u njihovim radnjama stekla sva bitna obilježja bića krivičnog djela koje im se stavlja na teret.

Odlučujući o vrsti krivičnopravne sankcije za optužene sud je od olakšavajućih okolnosti na strani optuženih cijenio priznanje izvršenja krivičnog djela, čime su u mnogome doprinijeli ekonomičnosti i efikasnosti vođenja krivičnog postupka, jer su priznanje dali na početku glavnog pretresa, materijalne prilike optuženih, da su nezaposleni, da su osobe mlade životne dobi, da su izrazili kajanje i spremnost optuženog Z.M.E.M. da nadoknadi štetu oštećenom, dok je sud od otežavajućih okolnosti cijenio društvenu opasnost predmetnog krivičnog djela, da je optuženi S.E. osuđivan presudom Općinskog suda Visoko broj: 41 0 K 0..... 17 Kps od 18.01.2018. godine zbog krivičnog djela „Oduzimanje tuđe pokretnine“ iz člana 291. stav 1 KZ FBiH zbog čega mu je izrečena mjera upozorenja – uvjetna osuda kojom je utvrđena kazna zatvora u trajanju od dva (2) mjeseca sa rokom provjere od jedne (1) godine, presudom Općinskog suda u S. broj: 65 0 K 17 K od 23.07.2018. godine zbog krivičnog djela „Udruživanje radi činjenja krivičnih djela“ iz člana 340. stav 1. i 2. KZ FBiH i krivičnog djela „Paljevina“ iz člana 301. stav 1. KZ FBiH sve u vezi sa članom 54. i 31. KZ FBiH zbog čega mu je izrečena mjera upozorenja – uvjetna osuda kojom je utvrđena kazna zatvora u trajanju od jedne (1) godine i dva (2) mjeseca sa rokom provjere od jedne (1) godine i šest (6) mjeseci i presudom Općinskog suda V.o broj: 41 0 K 0..... 18 K od 11.12.2018. godine zbog krivičnog djela „Teške krađe“ iz člana 287. stav 3. KZ FBiH zbog čega mu je izrečena mjera upozorenja – uvjetna osuda kojom je utvrđena kazna zatvora u trajanju od šest (6) mjeseci sa rokom provjere od jedne (1) godine, a optuženi Z.M.E.M. osuđivan presudom Općinskog suda V. broj: 41 0 K 0..... 17 K od 09.03.2018. godine zbog krivičnog djela „Krađe“ iz člana 286. KZ FBiH, zbog čega mu je izrečena mjera upozorenja-uvjetna osuda kojom je utvrđena kazna zatvora u trajanju od 6. mjeseci sa rokom provjere od 2 godine.

Cijeneći olakšavajuće i otežavajuće okolnosti na strani optuženih, sud je uvjerenja da će se izrečenom kaznom zatvora u trajanju od po 1 /jedne/ godine ostvariti svrha kažnjavanja u skladu sa članom 42. KZ FBiH kako sa aspekta generalne tako i sa aspekta specijalne prevencije.

Na osnovu člana 88. ZKP-a FBiH, sud je odlučio, nakon izjašnjenja tužioca da se metalna mačeta dužine sječiva 45 cm i 15 cm rukohvata, sa pet metalnih zakovica, sa omotanom trakom oko rukohvata, PS Visoko, u čijem posjedu se i nalazi, po pravosnažnosti presude, vrati u posjed Cvijanović Srdana, jedan mobilni telefon marke „ULEFONE“ korisničkog broja 063/897-930 i jedan mobilni telefon marke „NOKIA“ korisničkog broja .../...-..., PS V., u čijem posjedu se i nalaze oduzeti

predmeti, po pravosnažnosti ove presude, vrate u posjed Z.M.E.M., dok se belegija za oštrenje sive boje dužine 15 cm, trenerka, donji dio, crne boje marke „HUMELS“, gornji dio trenerke marke „ADDIDAS“ i jedan crni kačket marke „NIKE“, PS Visoko, u čijem posjedu se i nalaze, po pravosnažnosti presude, vratiti u posjed S.F.

Na osnovu člana 202 stav 4. ZKP FBiH, sud je optužene oslobodio plaćanja troškova krivičnog postupka jer po ocjeni suda optuženi su lošeg imovnog stanja, pa bi plaćanjem troškova krivičnog postupka bilo dovedeno u pitanje izdržavanje optuženih i osoba koje su dužni da izdržavaju.

Na osnovu člana 212. stav 3. ZKP FBiH, sud je oštećenu Srpsku pravoslavnu crkvu - Mitropoliju Dabrobosansku Sarajevo sa imovinsko pravnim zahtjevom uputio na parnični postupak jer podaci krivičnog postupka ne pružaju pouzdan osnov ni za potpuno ni za djelimično osuđenje.

S U D I J A
Edib Kučuković

PRAVNA POUKA:

Protiv ove presude dozvoljena je žalba Kantonalnom sudu Zenica u roku od 15 dana po prijemu iste, a žalba se podnosi ovom sudu u tri primjerka.